



ROVVILTNEMNDA I REGION 1

Vest-Agder, Rogaland, Hordaland og Sogn og Fjordane

Adresseliste

Dykkar ref: Vår ref.: Arkivnr.: Dato:
2013/12146 433.52 01.04.2014

Vedtak om betinga kvote for skadefelling av rovvilt i region 1 i 2014/2015

Rovviltnemnda region 1 vedtok på møte 27.mars 2014 kvote for betinga skadefelling av rovvilt for perioden 01.juni 2014 – 15.februar 2015, jf sak 05/14. Til stades frå nemnda var leiar Noralv Distad, Oddny Omdal og Marit Barsnes Krogsæter.

Vedtak

I perioden 01.06.2014 – 15.02.2015 kan fylkesmennene i region 1 nytte desse kvotene for betinga skadefelling:

Art	Tal
<i>Ulv</i>	4
<i>Bjørn</i>	2
<i>Gaupe</i>	4
<i>Jerv</i>	6

Nemnda kan til ein kvar tid trekke kvotene tilbake dersom ny kunnskap gjer det naudsynt. Skadefelling trekkast frå lisensfellingskvoten dersom fellinga skjer i lisensfellingsperioden for arten.

Iverksetting av løyva skal vere i samsvar med gjeldande forskrifter og forvaltingsplanen for regionen.

Grunngjeving

Kvotvedtaket går utover framlegget frå sekretariatet, og må difor grunngjevast særskilt.

Den reviderte forvaltingsplanen har eit tydelegare mål om at regionen ikkje skal ha skadegjerande rovvilt. Nemnda legg vekt på at kvoten ikkje skal kunne bli avgrensande for fylkesmennene sitt høve til å iverksette skadefelling raskt. Ei høg kvote gjev og god fleksibilitet for dei 4 fylka i regionen.

Postadresse:
Rovviltnemnda i region 1
c/o Fylkesmannen i Rogaland
Miljøvernavdelinga
Postboks 59
4001 Stavanger

Leiar for rovviltnemnda:
Noralv Distad
Postboks 53, 5741 Aurland
Telefon: 91374976
noralv.distad@sfj.no
<http://www.fylkesmannen.no/rogaland>

Sakshandsamar:
Anders T. Braa, viltforvaltar
Telefon: 51568914
anders.braa@fmro.no

Skadepotensialet i region 1 er høgt, med store mengder sau på utmarksbeite over store delar av arealet. Nemnda syner og til SNO sin orientering på møtet om førekomst av rovdyr i regionen og nærområda til regionen.

Nemnda meiner og at kvoten er forsvarleg av omsyn til dei nasjonale bestandsmåla for kvar av artane.

Klage

Rovviltnemnda sitt vedtak kan påklagast innan 3 veker etter forvaltingslova sine reglar. Klagen sendast til rovviltnemnda for vurdering av klagen. Dersom nemnda ikkje endrar vedtaket sendast klagen vidare til Klima- og miljødepartementet for endeleg avgjerd.

Med helsing

Noralv Distad
leiar for rovviltnemnda

Vedlegg: Saksutgreiing frå sekretariatet

Kopi:

Rovviltnemnda i region 1

Adresseliste pr epost:

Klima- og miljødepartementet

Miljødirektoratet

Fylkesmennene i Sogn og Fjordane, Vest-Agder og Hordaland

Mattilsynet v/Trude Lien og Marit L. Manhenke

SNO v/Rein Arne Golf og Jon-Erling Skåtan

Bondelaga i Sogn og Fjordane, Hordaland, Rogaland og Vest-Agder

Rogaland sau- og geit

WWF Norge

Foreningen Våre rovdyr

Norges miljøvernforbund

Naturvernforbundet i Rogaland, Vest-Agder, Bergen og Hordaland, og Sogn og Fjordane

Saksutgreiing frå sekretariatet

05/14: Kvote for betinga skadefelling i regionen frå 01.06.2014 – 15.02.2015. Vedtak.

Saksopplysningar

Etter forskrift om forvaltning av rovvilt §8 skal rovviltnemnda fastsette kvote for betinga skadefelling av jerv, bjørn, gaupe og ulv til fylkesmannen. Ei føresetnad er at vilkåra i §7 er oppfylte. Løyva kan nyttast i akutte skadesituasjonar for å hindre skade på bufe. Løyva kan nyttast i tidsrommet 01.06.2014 – 15.02.2015.

Vilkåra er i dette høvet krav om at vedtaket bygger på bestandsdata frå nasjonalt overvåkingsprogram for rovvilt. For bjørn og ulv skal nemnda ta utgangspunkt i siste års yngling. For jerv og gaupe skal ein bygga på gjennomsnitt av dokumenterte data om ynglingar dei siste 3 åra. For region 1, som ikkje har nasjonale mål om ynglingar for nokon av desse artane, er ikkje desse måla avgrensande for nemnda sitt høve til å treffe vedtak om felling, men ein må likevel ta omsyn til naturmangfaldlova §5, som sett krav om forvaltingsmål for artar. §7 legg til grunn at nemnda følgjer forvaltingsplanen i sine vedtak, til dømes om felling. Kunnskap om rovviltartane og om skadesituasjonen skal ligge til grunn for vedtak. Etter vedtak om kvote skal all irregulær avgang av rovvilt belastast den same kvota.

Rovviltnemnda sitt vedtak etter §8 er eit eiskildvedlat som kan påklagast til KLD innan 3 veker frå vedtaket er gjort kjend. Fylkesmennene sine vedtak om iverksetting kan og påklagast. Miljødirektoratet er klageinstansen i desse høva.

Jerv

Nemnda vedtok ei kvote på 6 jervar som kunne fellast i heile regionen i lisensfellingsperioden 2013/2014. Av 37 felte dyr blei ingen felt i region 1. Etter nyttår er det lagt inn 4 sporfunn frå Indre Sogn i Rovbase midt i januar. Avstandane og tida tyder på at det minst må vere to ulike individ. Utover det er det ikkje lagt inn obervervasjon av jerv i regionen. Ein einsleg hannjerv har hatt tilhald i områda Hardangervidda/Bykle/Suldalsheiane sidan 2007.

Tabellen under syner dokumenterte/antatte ynglingar i landet siste 3 år.

Noreg	2011	2012	2013
Overlevande ynglehi	49	51	40
Hiuttak	9	17	4

Nasjonalt mål for ynglande jerv er 39 pr år. Resultatet for 2014 blir ikkje klart før utpå hausten. Bestanden er minkande, men framleis over nasjonalt bestandsmål.

Gaupe

Pr 20. februar er det felt 1 gaupe i regionen i år, i Lyngdal i Vest-Agder. Jakttida for gaupe er i februar og mars månader. Det er ingen kvote for gaupe i region 1. I Rovbasen er det berre registrert 1 sporfunn i år, frå Luster i Sogn.

Bestandsstatus før jakt i 2013 blei estimert til 59 familiegrupper i landet. Det gjev eit gjennomsnitt på 67 ynglingar dei siste tre åra, som er like over nasjonalt mål på 65 ynglingar.

Ulv og bjørn

Etter at ulv ble felt på Vegårdshei i november 2013 er det ikkje dokumentert forekomst i regionen. Observasjon av 1 ulv i Stryn er lagt inn i Rovbase med usikker status. 1 ulv ble felt på Iveland i Aust-Agder tidlig i februar.

Nasjonalt overvåkingsprogram bekrefter at det var 3 hefnorske ynglinger i forvaltningsområdet for ulv i 2013. Det tilsvarer nasjonalt forvaltningsmål.

Det er ikkje dokumentert forekomst av bjørn i regionen i løpet av 2013 og fram til no. I landet blei det påvist 137 (51 binner) ulike bjørnar i 2012, ei nedgong frå 151 i 2011. Truleg representerer desse funna mellom 6 og 7 ynglingar (Bioforsk rapport nr 47, 2013). Det er langt under det norske bestandsmålet på 13 årlege ynglingar.

Erstatning for rovvilttap

Erstatningstala for tap av bufe til rovvilt syner desse tala for tap av sau og lam som det er utbetalt erstatning for etter beitesesongen 2013:

Fylke	Gaupe	Jerv	Bjørn	Ulv	Kongeørn	Uspesifis.	Total
Sogn & Fj.	15	297	0	0	56	65	433
Rogaland	3	38	0	0	66	7	114
Hordaland	0	0	0	0	72	0	72
Vest-Agder	0	0	0	4	36	0	40
Total	18	335	0	4	230	72	659

Vurdering

Før vedtak om felling skal nemnda vurdere saka etter naturmangfaldlova kap. II. Kravet til bestandsmål for naturleg forekommande arter etter §5 er i ein særstilling for rovviltartane, sidan Stortinget har vedteke konkrete nasjonale mål for årlege ynglingar. Alle artane ligg pr i dag på eller over dette målet, med unnatak for bjørn. Regionar med ansvar for ynglingar og rovviltsoner har eit spesielt ansvar for å nå måla, men også region 1 må ta sin del av ansvaret for langsiktig overleving. Sjølv om regionen er eit beiteprioritert område.

Naturmangfaldlova §7 seier at §§8-12 skal leggest til grunn som retningslinjer ved utøving av offentleg mynde. Kravet til kunnskapsbasert forvaltning (§8) er stort sett sikra i vedtak som angår rovvilt. Kunnskapen om bestandane er god. Kunnskapen kunne vore noko betre i slutten av mai, som eit alternativt vedtakstidspunkt, men vi vurderer at det allereie no er tilstrekkeleg kunnskap til å vedta kvoter i region 1. Tilfeldige innvandringar og hendingar vil uansett avgrense høvet til å vere føreseielseg eit år fram i tid.

Føre-var-prinsippet (§7) er ikkje like relevant med så detaljert kunnskap som fins på rovviltområdet. Ein kan likevel argumentere for at når alle artane no er i nærleiken av bestandsmålet vil eit for stort uttak kunne komme i konflikt med langsiktig overleving og §5, men det er ei større utfordring for regionar med bestandsmål.

Rovviltet døyr stort sett av felling. I høve til samla belastning jf §10 kan ulovleg felling eller skadeskyting vere eit stort problem for einskilde artar. Gjenfangst av DNA-identifiserte jervindivid tyder ikkje på at det er eit stort problem her.

Bestandsituasjonen for den vest-norske delbestanden av jerv er bekymringsfull på grunn av stor avskyting og relativ isolasjon frå jervområda i nord og aust. Det vil framleis vere naudsynt å ha ei kvote for betinga skadefelling, sjølv om fellingsprosenten for slik felling

historisk er låg. Lisensfelling skal vere viktigaste reiskap for felling av jerv. Vi foreslår ei kvote på 4 jervar.

Det vil og vere rett å ha ei kvote for å sikre raskt uttak av gaupe, dersom det er fare for skade og tilhøva ligg til rette for felling. Vi foreslår ei kvote på 2 gauper.

Vi foreslår ei kvote på 2 ulvar og 1 bjørn. Ulvebestanden er særleg utsett i høve til innavlsproblematikk. Det er difor viktig å vere så trygg som råd på at førekomst av ulv ikkje er genetisk viktige individ før vedtak om felling. Bjørneforekomstane i regionen er svært få, og bestanden er langt under målet. Vi meiner difor kvote på 1 dyr er tilstrekkeleg.

Eventuelle nye opplysningar frå SNO på møtet bør og vurderast i høve til kvotefastsetting på møtet.

Framlegg til vedtak

I perioden 01.06.2014 til 15.02.2015 kan fylkesmennene i region 1 nytte desse kvotene for betinga skadefelling:

<i>Art</i>	<i>Tal</i>
<i>Ulv</i>	<i>2</i>
<i>Bjørn</i>	<i>1</i>
<i>Gaupe</i>	<i>2</i>
<i>Jerv</i>	<i>4</i>

Nemnda kan til ein kvar tid trekke kvotene tilbake dersom ny kunnskap gjer det naudsynt. Skadefelling trekkast frå lisensfellingskvoten dersom felling skjer i lisensfellingsperioden for arten.

Iverksetting av løyva skal vere i samsvar med gjeldande forskrifter og forvaltingsplanen for regionen.